

SAMOA

Faatulagaina o Aiaiga

- | | |
|--|---|
| <ol style="list-style-type: none"> 1. Igoa puupuu ma le amataga 2. Tulafono Autu 3. Soloia ma suiga <ol style="list-style-type: none"> 2. Faamatalaina o uiga o upu 4. Puleaga faa-Faamasinoga 5. Teteaga faa-Faamasinoga 6. Soloia ma suiga <ol style="list-style-type: none"> 7. Mafuaaga mo le tatalaga o faaiipoipoga 7A. Uiga o le teteaga 7B. Aafiaga o le toe nonofo faatasi faaleulugalii 7C. Taimi e aloaia ai le tusi alei o le tatalaga o faaiipoipoga 7D. Tusi alei o le tatalaga o faaiipoipoga pe afai e i ai ni tamaiti 7E. E ono mafai ona faia se faaleleiga 7F. Taofia o le poloaiga e tatala ai faaiipoipoga pe afai ua maea ona faia le faaleleiga i le va o itu i le faaiipoipoga 7G. Tusi alei o le tatalaga o faaiipoipoga pe afai o i ai se maliega po o le leai o se tetee | <ol style="list-style-type: none"> 7. Soloia 8. Pule faitalia a le faamasinoga pe afai ua faamaonia se uiga taufaasese 9. Soloia 10. O mea e maua e le ava mai le tane ma le tausiga 11. Faaofiina o fuaiupu fou <ol style="list-style-type: none"> 22A. Poloaiga e faasino i mea e maua e le ava mai le tane ma le tausiga 22B. Faaaliga manino o aia i meatotino 22C. Suiga o aia i meatotino 22D. Faataatia ese o poloaiga e suia ai aia i meatotino 12. Faaofiina o Vaega fou <ol style="list-style-type: none"> Vaega IIIA – Poloaiga e Taofia ai 26A. Faamatalaina o uiga o upu 26B. Talosaga mo se poloaiga e taofia ai 26C. Poloaiga e taofia ai |
|--|---|

2 *Teuteuga o le Tulafono o Mafuaaga* 2010, Nu. 16
o le Tatalaga o Faaipoipoga ma Faaipoipoga

26D. Umi o le vaiataimi o le
poloaiaga e taofia ai

26E. Faauilavea a le Loia
Sili

13. Faamatalaga tauto e
faamaonia ai talosaga

14. O le tuuina atu o talosaga

2010, Nu. 16

**O SE TULAFONO e teuteu ai le Tulafono o Mafuaga o le
Tatalaga o Faaipoipoga ma Faaipoipoga 1961.**

[16 Aokuso 2010]

UA FAIA e le Fono Aoaofaitulafono a Samoa i totonu o le
Palemene ua potopoto e faapea:

1. Igoa puupuu ma le amataga-(1) E mafai ona taua leni
Tulafono o le Tulafono o Teuteuga o le Tulafono o Mafuaga o
le Tatalaga o Faaipoipoga ma Faaipoipoga 2010.

(2) E amata faamamaluina leni Tulafono i le aso e tuuina i
ai le maliega a Le Ao o le Malo.

2. Tulafono Autu - I totonu o leni Tulafono, “Tulafono
Autu” o lona uiga o le Tulafono o Mafuaga o le Tatalaga o
Faaipoipoga ma Faaipoipoga 1961.

3. Soloia ma suiga - Ua soloia le fuaiupu 2 o le Tulafono
Autu ma suia i fuaiupu e faapea:

“2. Faamatalaina o uiga o upu - I totonu o leni
Tulafono, seia vagana ai ua i ai se isi faamoemoe ua aliali
mai:

“Faamasinoga” o lona uiga o le Faamasinoga Sili a
Samoa ma faasino i se isi tulafono po o malosiaga e
ono mafai ona amanaia e le Resitara i lalo o leni
Tulafono, e aofia ai le Resitara;

“Resitara” o lona uiga o le Resitara o le Faamasinoga
ma e aofia ai se Sui Resitara ma le Resitara
Lagolago.”.

(4) E lē tatau ona faia se tusi alei o le tatalaga o faaipoipoga pe afai ua faamalieina le faamasinoga e faapea ua i ai ni masalosaloga talafeagai ua toe nonofo faatasi faaleulugalii.

7A. Uiga o le teteaga-(1) E mafai ona faapea ua tetea itu e lua o le faaipoipoga e ui lava ina faapea na faamutaina le toe nonofo faatasi faaleulugalii ona o se gaoioiga po o se amio a le na o le toatasi (1) o itu.

(2) E ono mafai ona faapea ua tetea itu e lua o le faaipoipoga ma ua tetea ma nofo valavala e ui lava ina faapea o lo o faaauau pea ona nonofo i le nofoaga e tasi po o e faapea e le o tuuina atu e le isi i le isi se auaunaga faaleaiga.

7B. Aafiaga o le toe nonofo faatasi faaleulugalii-(1) Mo faamoemoega o tualumaga mo se tusi alei o le tatalaga o faaipoipoga, afai, i le maea ai ona tetea itu e lua o le faaipoipoga, ua toe nonofo faatasi faaleulugalii i se taimi e tasi (1) peitai ane, i totonu o se vaitaimi e tolu (3) masina talu ona toe nonofo faatasi faaleulugalii, ua faapena ona toe tetea ma nonofo valavala mulimuli ane e oo atu i le aso na faatoai atu ai le talosaga, e mafai ona tuufaatasia le vaitaimi na tetea ai ma nonofo valavala ai i le lumanai ai ma le tuanai ai o le vaitaimi na nonofo faatasi ai e faapei ai o se vaitaimi faaauau e tasi (1), ae peitai o le vaitaimi na nonofo faatasi ai e lē tatau ona avea e faapea o se vaega o le vaitaimi na tetea ma nonofo valavala ai.

(2) Mo faamoemoega o le faafuaiupu (1), o se vaitaimi na nonofo faatasi ai e tatau ona avea e faapea sa faaauau pea a o faagasolo so o se tulaga motusia o le nonofo faatasi faaleulugalii lea e faapea, ua manatu le faamasinoga, e lē talafeagai.

7C. Taimi e aloaia ai le tusi alei o le tatalaga o faaipoipoga-(1) I le noatia ma le fai fuafua i lenei fuaiupu, e aloaia se tusi alei o le tatalaga o faaipoipoga ua faia i lalo o lenei Tulafono e faamamaluina i lenei fuaiupu:

(a) i le faamutaina o se vaihina e tasi (1) le masina talu le faiga o se tusi alei; po o

(b) talu mai le faia o se poloaiga i lalo o le fuaiupu 7D,

po o le a lava le tulaga e mulimuli ona faia.

(2) Afai ua faia se talosaga tetee, o le tusi alei o le tatalaga o faaipoipoga e aloaia le faamamaluina o leni fuaiupu, seia vagana ai ua toe faataatia ese pe faalēaogāina:

(a) i le faamutaina o se vaihina e tasi (1) le masina mai le aso lea na fuafuaina ai po o ua lē faaauauina ai le talosaga tetee; po o

(b) le aso sa tatau ona aloaia ai le tusi alei o le tatalaga o faaipoipoga i lalo o le faafuaiupu (1) pe afai e le i faia se talosaga tetee,

po o le a lava le tulaga e mulimuli ona faia.

7D. Tusi alei o le tatalaga o faaipoipoga ma tamaiti - E lē aloaia se tusi alei o le tatalaga o faaipoipoga seia vagana ai ua faaali manino e le Faamasinoga, e ala i se poloaiga, e faapea ua faamalieina o ia:

(a) e faapea e le o i ai ni tamaiti o le faaipoipoga ua aulia le 18 tausaga le matutua; po o

(b) e faapea na pau tamaiti o le faaipoipoga e le i aulia le 18 tausaga le matutua o tamaiti ua faamaoti mai i totonu o le poloaiga ma faapea -

(i) ua maea ona faia faatulagaga talafeagai i tulaga uma e aliaie mai mo le tausiga, manuia ma le atiaieina o nei tamaiti; po o

(ii) o lo o i ai tulaga aliaie mai e ala i le mafuaaga e faapea e tatau ona aloaia le poloaiga o le tatalaga o le faaipoipoga e ui lava ina e le o faamalieina le faamasinoga e faapea sa faia ia faatulagaga.

7E. E ono mafai ona faia se faaleleiga-(1) Afai ua faia se talosaga i lalo o lenei Tulafono mo se tusi alei o le tatalaga o faaipoipoga, o le tiute o le Faamasinoga ma loia taitoatasi uma o lo o fai ma sui o se itu, ona tuuina atu iloilogā mai lea taimi i lea taimi, i le tulaga e ono mafai ai ona faia se faaleleiga a ia itu e lua.

(2) Afai ua manatu le Faamasinoga e faapea e ono mafai ona faia se faaleleiga, e mafai ona manaomia itu e lua e sailia fautuaga tau faaipoipoga pe afai e talafeagai.

7F. Taofia o le poloaiga e tatala ai faaipoipoga pe afai ua maea ona faia le faaleleiga i le va o itu i le faaipoipoga - E ui lava i so o se mea o lo o aofia ai i totonu o lenei Tulafono, afai ua maea ona faia se tusi alei o le tatalaga o faaipoipoga, e mafai e le Faamasinoga, i so o se taimi a o lumanai ai le faamamaluina o le tusi alei o le tatalaga o faaipoipoga, i luga o le talosaga a itu e lua i le faaipoipoga, ona taofia le poloaiga o le tatalaga o le faaipoipoga i luga o le mafuaaga e faapea ua maea ona faia le faaleleiga i le va o itu e lua.

7G. Tusi alei o le tatalaga o faaipoipoga pe afai o i ai se maliega po o le leai o se tetee-(1) Afai ua faia se talosaga i lalo o lenei Tulafono mo se tusi alei o le tatalaga o faaipoipoga ma afai ua:

(a) tuuina atu le maliega tusitusia a lē ua tetee i le talosaga; po o

(b) ua lē teena i se isi faiga e ese ai le faia o se tusi alei o le tatalaga o faaipoipoga,

e mafai e le Faamasinoga po o se Resitara ona faia se tusi alei o le tatalaga o faaipoipoga.

(2) E lē faasino le faaaogāina o le fuaiupu 12 e oo atu i le fuaiupu 15 ma le fuaiupu 32 i se talosaga ua iloiloaina e se Resitara i lalo o lenei fuaiupu.

(3) I luga o se talosaga a lē ua tetee ma a o lumanai ai le aloaia o le tusi alei, e mafai ona faataatia ese e se Faamasino o le Faamasinoga se poloaiga a se Resitara ua faia i lalo o le faafuaiupu (1), o ia lea e mafai ona faia ia poloaiga e pei ona talafeagai ai.”.

7. Soloia - Ua soloia le fuaiupu 10 ma le fuaiupu 11 o le Tulafono Autu.

8. Pule faitalia a le faamasinoga pe afai ua faamaonia se uiga taufaasese - Ua teuteuina le fuaiupu 13 o le Tulafono Autu i le aveesea o upu “, ae vagana ai mataupu ua sailia ai se fesoasoani i luga o le mafuaaga o le mulilua”.

9. Soloia - Ua soloia le fuaiupu 14, 16, 18, 21 ma le 29 o le Tulafono Autu.

10. O mea e maua e le ava mai le tane ma le tausiga - Ua teuteuina le fuaiupu 22 o le Tulafono Autu i le aveesea o le faafuaiupu (1) ma suia e faapea:

“(1) I so o se taualumaga mo se tusi alei o le tatalaga o faaipoipoga, e mafai e le Faamasinoga ona faia ia poloaiga e pei ona manatu o ia ua tatau ai mo le tuuina atu o mea e maua e le ava mai le tane ma le tausiga po o le faalēaogāina faaletulafono o se faaipoipoga, ma e mafai foi e le Faamasinoga mo lea faamoemoe ona poloaiina e faapea, e tatau ona tuuina atu i le Resitara e faatulagaina ma faamaonia se tusi faamaonia po o se pepa faaletulafono talafeagai, o le a sainia e itu talafeagai uma, ma e mafai, pe afai ua manatu o ia ua tatau ai, ona faataatia ese le faasilasilaina o le tusi alei o le tatalaga o le faaipoipoga seia vagana ua sainia aloaia le pepa faamaonia po o le pepa faaletulafono.”.

11. Faaofiina o fuaiupu fou – Ua faaofiina fuaiupu nei i le maea ai o le fuaiupu 22 o le Tulafono Autu:

“22A. Poloaiga e faasino i mea e maua e le ava mai le tane ma le tausiga-(1) I le iloiloina i lalo o le fuaiupu 22 po o a poloaiga e mafai ona talafeagai mo le tane i le tausiga o le ava, e ao i le Faamasinoga ona amanaia mataupu ua taua e faapea:

- (a) o le matua o tausaga ma le tulaga o le soifua maloloina o itu uma;
- (b) o manaoga talafeagai o itu uma taitasi o le faaipoipoga i le amanaia ai -
 - (i) o le matua i tausaga; ma
 - (ii) so o se manaoga faapitoa o le tagata; ma
- (c) tupe maua, mafai gafatia e maua ai tupe, meatotino ma alaoa tau tupe a le tagata e totogi ai le tausiga i le amanaia ai -
 - (i) o le mafai gafatia o le tagata e maua ai tupe po o le mauaina o tupe, e aofia ai so o se aseta o, lo o i lalo o le vaavaaiga a po o umia mo le manuia o le tagata lea e lē mafai ona tuuina atu, ae peitai e mafai ona tuuina atu tupe maua; ma
 - (ii) faalēaogāina tupe maua, mafai gafatia e maua ai tupe, meatotino ma alaoa tau tupe a so o se isi tagata seia vagana ai, i le tulaga aliae mai faapitoa o le mataupu, ua manatu le faamasinoga e talafeagai ona amanaia; ma
- (d) saofaga tau tupe o lo o tuu sao atu pe leai foi e po o e aveai ai ma sui o itu uma o le faaipoipoga po o se tamaitiiti o le faaipoipoga; ma
- (e) noatia ai itu uma taitasi i le faaipoipoga ia e talafeagai ina ia mafai ai e itu uma ona lagolagoina o ia po o so o se tagata lea e i ai le tiute o itu uma o le faaipoipoga e tausia ia; ma

- (f) so o se tulaga faapitoa e aliae mai, lea afai e lē amanaia i le mataupu lava lenei, o le a lē faia ai le faamasinoga tonu po o toatuga ogaoga i so o se tagata.

22B. Faaaliga manino o aia i meatotino-(1) I tualumaga i le va o itu uma i se faaipoipoga e tusa ai o pule po o aia tatau i meatotino, e mafai e le faamasinoga ona faaaliga manino le pule po o aia tatau, pe afai e i ai, lea e i ai se vaega e tusa ai o le meatotino.

(2) Afai ua faia e le faamasinoga se faaaliga manino i lalo o le faafuaiupu (1), e mafai ona ia faia poloaiga faatupulaia ina ia aloaia ai le faaaliga manino, e aofia ai poloaiga e uiga i le faatauina atu po o le vaeluaina ma poloaiga tumau pe lē tumau foi e faasino i meatotino.

22C. Suiga o aia i meatotino-(1) I tualumaga e tusa ai o le meatotino a itu o le faaipoipoga, e mafai e le faamasinoga ona faia ia poloaiga e pei ona ia manatu ua tatau ai e suia ai aia a vaega i le meatotino, e aofia ai:

- (a) se poloaiga mo se tuutuuga o meatotino e suia ai so o se aia i le meatotino; ma
- (b) se poloaiga e manaomia ai se toatasi po o itu uma e lua ina ia faia, mo le manuia o le toatasi po o itu uma e lua po o se tamaitiiti o le faaipoipoga, sea tuutuuga po o le faaliliuina atu o meatotino e pei ona fuafuaina e le faamasinoga.

(2) I le iloiloaina po o a poloaiga e mafai ona talafeagai e tusa ai o so o se meatotino a itu o se faaipoipoga, e mafai e le Faamasinoga ona amanaia mataupu ua taua e faapea:

- (a) o mataupu ua faasinomia i le fuaiupu 22A(1); ma
- (b) saofaga tau tupe po o isi saofaga ua faia tuusao pe leai foi e po o e aveai ai ma sui o se itu i le mauaina po o le faaleleia o so o se meatotino a itu o le faaipoipoga; ma

(c) le saofaga ua faia e se itu o le faaipoipoga i le tausiga lelei o le aiga ua tuufaatasia e itu o le faaipoipoga ma so o se tamaitiiti o le faaipoipoga, e aofia ai so o se saofaga ua faia i le tulaga o se tausiga aiga po o matua; ma

(d) so o se tulaga faapitoa e aliae mai lea, pe afai e le i amanaiaina i le tulaga maoti, o le a tulai mai ai se faiga lē amiotonu po o o le a oo atu ai tulaga faigata i so o se tagata.

(3) I le noatia ma le fai fuafua i le faafuaiupu (4), mo faamoemoega o le faafuaiupu (2), ua faatatauina e tutusa saofaga na faia e itu o le faaipoipoga, ae peitai e ono mafai ona lē talia ai lea manatu ua faatatauina pe afai ua manatu se faamasinoga o se saililiga o saofaga tutusa i luga o faamatalaga moni o le mataupu.

(4) E lē faaogāina le manatu ua faatatauina i le faafuaiupu (3) i ni tulaga aliae mai o se faaipoipoga e itiiti ifo i le tolu (3) tausaga le umi.

(5) Mo faamoemoega o le faafuaiupu (2), o le meatotino a itu taitasi na aumai i le faaipoipoga e lē tatau ona faatatauina o se meatotino o le faaipoipoga seia vagana ai e lē tusa ai pe a lē faia faapea.

(6) E lē tatau i le faamasinoga ona faia se poloaiga i lalo o lenei fuaiupu seia vagana ai ua faamalieina e faapea, i tulaga uma e aliae mai, e amiotonu ma talafeagai le faia o le poloaiga.

22D. Faataatia ese o poloaiga e suia ai aia i meatotino - Afai, ua faamalieina le faamasinoga i luga o se talosaga a se tagata ua aafia i se poloaiga ua faia e le faamasinoga i lalo o le fuaiupu 22C, i tualumaga e tusa ai o le meatotino a itu o le faaipoipoga po o se tasi o ia itu e faapea:

(a) e le i faia le faamasinoga tonu e ala i faiga taufaasese, tulaga faamalosia taofiofia o faamatalaga molimau, o le tuuina atu o faamatalaga molimau pepelo po o so o se isi lava tulaga aliae mai; po o

(b) i tulaga ua aliae mai talu ona faia le poloaiga, ua lē mafai ona faataunuina le poloaiga po o sona vaega pe afai o le a faatinoina, e mafai e le faamasinoga, i lana pule faitalia, ona suia pe faataatia ese le poloaiga ma, pe afai ua ia manatu ua talafeagai ai, ia faia se isi poloaiga i lalo o le fuaiupu 22C e suia ai le poloaiga ua faapea ona faataatia ese.”.

12. Faaofiina o Vaega fou - I le tuanai ai o le fuaiupu 26 o le Tulafono Autu, ia faaofiina le Vaega e faapea:

“Vaega IIIA – Poloaiga e Taofia ai

26A. Faamatalaina o uiga o upu - I totonu o lenei Vaega:

“tagata mafatia” o lona uiga o se tagata o ia lea e autu i ai se vesiga i aiga;

“vesiga i aiga” o lona uiga o amioga ia e:

(a) mafua ai manuaga i le tino, mafaufau po o manuaga patino i se tagata ua faatatau i ai; po o

(b) e mafua ai le faaleagaina o le meatotino a se tagata ua faatatau i ai; po o

(c) se taufaamatau, ua faia i se tagata ua faatatau i ai, e faia ai so o se mea e faasino i le tagata e faatatau i ai po o se isi tagata faapena, e faapea afai e faia, o le a aofia ai i lalo o le parakalafa (a), po o le (b); po o

(d) le faasoesa po o le faatupu vevesi i se tagata ua faatatau i ai.

“tagata e faatatau i ai” o lona uiga o se toalua po o se tamaitiiti a se tagata ma aofia ai se tamaitiiti fai a lea tagata.

26B. Talosaga mo se poloaiga e taofia ai-(1) I so o se taualumaga e faia i lalo o lenei Tulafono, e mafai e le Faamasinoga po o se Resitara ona faia ia poloaiga e taofia ai e pei ona ia manatu ua talafeagai ai.

(2) I le filifiliga o se talosaga mo se poloaiga e taofia ai, e ao i le Faamasinoga po o le Resitara ona faia sana uluai iloiloga i le manaoga ia mautinoa ai e faapea o lo o puipuia le tagata mafatia ma so o se tamaitiiti o lo o lamatia i vesiga i aiga mai ia sauaga.

26C. Poloaiga e taofia ai-(1) E taofia le itu tetee e ala i se poloaiga e taofia ai mai le faia o amioga lea e faavae ai vesiga i aiga e faasino i le tagata ua mafatia ma e mafai ona noatia ma fai fuafua i ia tuutuuga po o tapulaa e pei ona manatu le Faamasinoga po o le Resitara e talafeagai.

(2) E aunoa ma le faatapulaaina o le faafuaiupu (1), e mafai e le poloaiga e taofia ai ona faia le tasi (1) po o le sili atu o mea ua taua e faapea:

- (a) faasaina le tagata o ia lea o lo o autu i ai le poloaiga mai le i ai i se mamao faapitoa mai le tagata mafatia; po o
- (b) faasaina le tagata o ia lea o lo o autu i ai le poloaiga mai le fesootai atu, faasoosa, faamatau po o le faafefe o le tagata mafatia po o se tamaitiiti a le tagata mafatia; po o
- (c) le taua o tuutuuga ia e mafai e le tagata o lo o autu i ai le poloaiga ona -
 - (i) i ai i nofoaga ma fale faapitoa; po o
 - (ii) i ai i se nofoaga faapitoa; po o
 - (iii) le talanoa atu pe fesootai atu i se tagata faapitoa.

(3) Afai e faia e se tagata se amioga e solia ai se poloaiga e taofia ai (e aofia ai se tuutuuga o le poloaiga), ua faia e le tagata se soligatulafono ma e noatia i le nofosala i le falepuipui mo se vaitaimi e lē silia le 12 masina po o se sala tupe e lē silia le 20 iunite tau faasalaga po o faasalaga uma e lua.

26D. Umi o le vaitaimi o le poloaiga e taofia ai-(1) E mafai ona tumau pea le faamamaluina o se poloaiga e taofia ai ua faia e le Faamasinoga, mo le lua (2) tausaga po o sea vaitaimi puupuu e pei ona taua i le poloaiga.

(2) O se poloaiga e taofia ai ua faia e se Resitara e tumau pea lona faamamaluina mo le fitu (7) aso po o sea vaitaimi puupuu e pei ona taua i le poloaiga ma o so o se faaopoopoga o le taimi o lea poloaiga na o le Faamasinoga e mafai ona ia tuuina atu.

(3) Peitai, e mafai e le Faamasinoga ona faia se poloaiga e taofia ai lea e tumau pea lona faamamaluina mo se taimi e umi atu i le lua (2) tausaga pe afai ua faamalieina e faapea o lo o i ai tulaga faapitoa po o ni tulaga e ese ai ua aliae mai lea e faamaonia ai le umi o le vaitaimi.

26E. Faauilavea a le Loia Sili-(1) E mafai ona faauilavea le Loia Sili, ma fesiligia po o le finau i so o se fesili ua faatulai mai i:

(a) so o se taualumaga i lalo o lenei Tulafono pe afai ua talosagaina e le Faamasinoga le Loia Sili ina ia faapea ona faia po o se mataupu na tulai mai lea e aafia ai le manuia o tagata lautele; po o

(b) so o se taualumaga i lalo o lenei Tulafono mo po o e faasino i se poloaiga e uiga i le tausiga lelei o se tamaitiiti.

(2) Afai e faauilavea le Loia Sili i so o se taualumaga, e tatau ona faatatauina le Loia Sili e avea o se itu o le taualumaga faatasi ai ma aia tatau uma, tiute tauave ma noataga a se itu.”.

13. Faamatalaga tauto e faamaonia ai talosaga - Ua teuteuina le fuaiupu 27 o le Tulafono Autu i le aveesea o upu “, ma lea foi, i so o se faamasinoga lava ua aafia ai le itu i le mulilua, ia leai se pepelo fatu fua e faapea ua mulilua e faia i le va o lē ua tauto ma le isi itu o le faaipoipoga”.

14 *Teuteuga o le Tulafono o Mafuaaga* 2010, Nu. 16
o le Tatalaga o Faaipoipoga ma Faaipoipoga

14. O le tuuina atu o talosaga - Ua teuteuina le fuaiupu 28 o le Tulafono Autu i le faaopoopoina i ai i le faaiuga o le faafuaiupu e faapea:

“(2) I le tulaga o se talosaga ua tuuina atu i luma o se Resitara i lalo o le fuaiupu 7F, o le malosiaga ma le puleaga faa-faamasinoga a le Faamasinoga e faatagaina ai le tuuina atu o se talosaga i fafo atu o Samoa, e mafai ona faatino e le Resitara.”.

**O le Tulafono o Teuteuga o le Tulafono o Mafuaaga
o le Tatalaga o Faaipoipoga ma Faaipoipoga 2010 o lo o faafoeina
e le Matagaluega o Faamasinoga ma Pulega Tau Faamasinoga.**

**Lolomiina e le Failautusi o le Fono Aoao Faitulafono,
i le pule a le Fono Aoao Faitulafono.**